

歐陽文忠全集

冊十

外制集卷第一

集七十九

制勅五十首

勸農勅

勅朕惟德之不明而至於用武久興師旅重困勅元有閔民愛物一作農之心誰能副予意者有信賞必罰之令今將舉而行之朕言有條其聽無忽夫農天下之本也凡爲國者莫不務焉要在節其用則易充勉其力使不匱今天食者甚衆而輸者已殫勸之不勤而取之仰足使民盡耕猶不給而半爲勿墮之手使歲常熟猶恐乏而多罹水旱之凶調斂不得已也而吏之不仁一作明者緣以誅求賦役自有法也而政之不明者重爲煩費農者有幾害者若茲欲寬吾民何可得也既富而教豈無術乎體予茲懷望爾良吏自今在官有能興水利闢田荒一作荒田課農桑增戶口凡有利一有於字農而弗一作不擾者有司具爲一作其賞格當議旌酬其或陂池不修田野不

闢桑棗不植戶口流亡慢政墮官亦行降黜夫言而不信法弛於寬
朕久患之方思革弊爾毋猶習舊態慢我新書此匪虛名必期責實
凡爲條約告爾旣明賞吾不欺罰爾無悔

頒貢舉條制勅

勅夫儒者通乎天地人之理而兼明古今治亂之原可謂博矣然學
者不得騁其說而有司務先津濟章句以牽拘之則吾豪雋奇偉之
士何以奮焉有純明朴茂之美而無敦學養成之法其飭身勵節者
使與不肖之人雜而並進則夫懿德懿行之賢何以見焉此士人
作取士之甚弊而學者自以爲患議者又以爲言朕慎於改更比令
詳酌一作朕於更改之令比詳酌焉仍詔宰府加之參定皆以謂本
學校以教之然後可求其行實先策論則辨理者得盡其說簡程式
一作試則閱博者可見其材至於經術之家稍增新制兼行舊式以
勉中人其頒法細文一皆罷去明其賞罰俾各勸焉如此則待士之

意順取人之道廣矣適人以博者不可貴其厚今朕建學興善以尊
守大夫之行而實制革弊以應學者之材予於教育之方勤亦至矣
有司其務嚴明道精察舉以稱朕意學者其思進德修業而無失其
時凡所科條耳一作更爲衆制一作式

舉叔荆王元儼可贈徐兗二州牧追封燕王加天策上將軍

制

勅朕負荷先業懼德不明實賴宗藩以屏王室今其亡也何痛如之
故皇叔荆南淮南節度大將軍太師尚書令兼中書令行荊州揚州
牧荆王先皇帝之弟而朕之諸父於屬爲尊荆淮之節於鎮爲重太
師三公尚書中書令皆一品於官爲崇於爵爲貴而王皆事一作兼
之克有令德貴而能去其驕富而能守以約名重天下聞于四夷自
建疾以來醫藥備至朕嘗臨省親爲哀藥賜賚之物謙而不受詔言
猶在聽可想焉噫事年六十不謂不壽天之五福不曰不全而朕之

所以悼嘆之至深者上遵先帝友于之仁而下示朕孝思之至也故
詔有司擇位號之尤尊美者以追榮之而稱朕意焉夫名載冊書而
不朽輝流乎孫而亡窮魂而有知靡我休命可特贈天策上將軍依
舊荆南淮南節度大使守太師尚書令兼中書令行荊州牧仍加充
州徐州牧追封燕王

堂後宮李齊方可大理寺丞制

勅李元方丞相府天下政本也吾任於相者既重則爲之選吏也亦
艱賞勞勸能皆有優典以爾給事茲久其勤益著慎不漏泄謹無過
差用爾歲成傳丞相寺勉圖後效無玷寵榮可

相部員外郎直集賢院兩浙轉運按察使王琪可就轉刑部

勅具官王琪以儒學爲重而兼好文章天下之利會漸成廣生齒
衆而物產繁載司以教汝之材幹予之身今有司申者思之舊文乃

敘遷之常法爾其能使吾民不勞而利用給足去吏之貪愚者毋害
于州縣舉士之材能者不遺其寒俊厥效苟著信實豈難往其勉哉
錄率爾職可

國子博士陳淑秘書丞薛仲簡尹源太子中舍李隨大理評

事朱壽昌磨勘改官制

勅國家考課之格敘進有常所以示爲法之均平而防有司之輕重
也及其弊也賢愚並進而功過不明屬者命考舊文稍更新制不專
累日以爲限開須審舉而後釐去遷之艱則材者出實之當則能者
勸焉此予之意也今爾等雖以滿歲增秩而皆敘材可稱尙有爾知
以應新法可

前光祿寺丞王簡言復舊官制

勅夫王者之有教所以開闢道之一無此字不純而愚民之陷溺者
開其自新之路務於改過之善而已然前世嚴清莫不以數敘爲患

得非人之無良以赦爲幸者歟具官王蘭吉服于朝倫嚮以罪廢屢經肆眚宜與滌瑕夫過不可以貳赦不可以幸惟勉爾力以贖前羞可

登州黃縣尉五字一作主簿東方辛可密州司士參軍制

勅具官東方辛朕以信示天下而以祿報有功今爾辛緣死事而命于官然按察者糺失職而來有請按察吾所詔也不從則不自信念功吾所懲也不報則無所勸爾是用易爾散秩優爾俸祿免爾吏責俾爾自安庶幾使吾信賞並行而不失可

華州鄭縣尉程炎可泗一作同州錄事參軍京兆府興平縣

尉呂建可鳳翔府左司理參軍制

勅自兵興以來盜賊頗衆屢明信賞思以勸能具官程炎等各以敏材賦乎一尉本有司之責新授茲官實格勸懲顯勳以勸勤勞夫量功而賞大小莫宜規爾自圖余無所吝可

大理評事張子庚可大理寺丞制

勅具官張子庚往臨邑政一作事近在王畿當夫賦役方繁而盜賊並起凡諸州縣之吏能不失職而免於咎者蓋亦鮮焉一作矣爾考績有司法當進秩能守厥職是亦可嘉遷爾卿丞勉終縣治可

舒州推官呂選可大理寺丞制

勅具官呂選國家設官之法由保薦而遷者必試之縣政非惟質舉者之信否亦以慎臨民之選焉以爾久服官勤今由材舉往服新命將觀汝能可

殿中丞郭及大理寺丞魯有立太常寺太祝張昭度等磨勘

改官制

勅具官郭及等朕患考績之不明而使無聞者累久而幸遷有善者混淆而莫別數申新法不專以日月敘秩而聞頒保任之舉一作任係之限非以一有節字抑人之進而所以求能者焉汝等無謂今由

積日而得次升尙勤後圖以俟知者可

東頭供奉官桑達可內殿崇班制先因過犯格磨勘一年今及四年除授

勅具官桑達國家命官之術必量功過之分計歲時之勤以爲陞黜法在有司其平不欺其信不渝以爾嚮因事累格其會課今日月及矣考績者以時來上還汝所當得者示我不汝忘焉可

還州石昌鎮熟戶牛家族巡檢奴訛男萬訛可本族都軍主制

勅萬訛世捍邊陲繼生材武能以威信服其部人今爾父以疾而告休俾爾承家而濟美矣忠孝之節不徒守其先業而已亦以奮功名而圖富貴焉可

審官院令史馬登可遂州司戶參軍充職制

勅馬登百司丞史皆有入官之格不惟賞其勞所以勤能者而謹其

無過也惟勤與慎可不勉焉可

西京左藏庫使內侍省內侍押班任守信可遷都刺史依舊
廊延路駐泊兵馬鈐轄制

勅國家自靈夏不賓邊隅多警議者率以謂用兵之道任將宜專恩
信不久一作則則無以得士心一無此字山川不習則不可圖勝算
頃一無二字自兵宿于野久而無功此殆將帥數易之過也苟其能
者無遽奪焉以具官任守信選以敏材臨于戎事肅軍捍寇宜力有
聞遽以飛章自言滿歲顧久親於矢石豈不念於勤勞然而士卒之
樂旣汝安夷狄之情惟汝熟雖欲代汝實難其人所宜旌以郡章仍
臨舊部體茲委寄服我茂恩可

開封府兵曹參軍謝曄可大理寺丞制

勅異官謝曄府掾之制凡再歲而無過失者皆得例遷蓋以京師大
衆之會獄訟尤多能無過焉是亦材也今考爾歲月法當進秩夫官

能有守卑者尤難事之實繁勳則克一作惟勳則濟勉服明訓往膺
寵章可

虞部員外郎盧士宏一作閔太常博士王揆祠部員外郎祕
閣校理張瓌丁憂服闋復舊官制

勅具官張瓌等夫孝子之於其親也無所不至焉生則養之以祿歿
則榮之以名爾等自丁家艱克盡孝道天時屢變禮制以終勉思揚
名無墜厥世可

比部員外郎趙宗古謝衍屯田員外郎李琪一作祺祕書丞
劉元瑜殿中丞馬伸磨勘改官制

勅具官謝衍等自兵興以來天下重困盜賊並起獄訟繁多為州縣
者不亦勞乎夫飢寒者未能衣食而調斂者未能盡除惟處之有方
則民不甚弊願夫勳教乃克濟焉爾等咸以吏材寄予民政錄勞
課宜有茂恩可

前磁州錄事一作司理參軍杜鉉一作鉉可衛尉寺丞制

勅朕撫有萬國而官羣材不敢專用獨見之明而外詔庶寮各舉其
善具官杜鉉舉者善爾材舉親民是用升汝司衛之丞而將用汝臨
人於治詩云豈第君子民之父母蓋夫善爲政者能使其民愛之如
此汝能以此親我民乎往膺進秩之榮無爲舉者之累可

前杭州司理參軍范葵可衛尉寺丞充堂後官制

勅朕觀兩漢各臣多或出於丞史小吏非夫丞史之能出諸臣也乃
知古雖吏屬亦必選用賢材焉一有况乎今中書丞相之職比古公
府曹掾之制吏員已爲簡闕欲任其事豈不擇人故詔銓衡俾其慎
選具官范葵有司來上以爾材一作善材進爾諸丞往率乃職古人
可慕無自怠焉可

又三題將俸鹽史簿程中有個想舊以示諸臣或向諸計或向諸吏

勅程中行夫廉恥道缺而貪風成俗風化之薄久矣吾恐有以勵焉

故於致仕之制特示推恩之優厚廉給以家居官子孫而世及今爾
父至服勞在官以老得謝宜茲懋賞以示寵榮汝尙最哉無忘濟美
可

祠部郎中沈周可開封府判官制

勅具官沈周夫刑獄以禁暴而託獄足以爲姦法令以止亂而舞法
反以滋害平民者政而敗政者吏也知政之術繩吏爲先况乎京師
號稱繁劇凡治繁者貴一作簡乎不勞苟知其方在得於要擿姦急
吏此非要數以爾久列屬行屢經任使通於政事俾佐滯穢告汝政
弊之多端訓汝治煩之有術善思乃職無或廢官可

絳州防禦判官張銳衡州軍事推官汲應龍司大理寺丞副
轉具官張銳等以爾爾等躬身試獄于吏服勞既久屬者應聞有
臣之亟稱加所爾之考實推堪堪其慎者斯其不勉然無固汝安
可

供備庫副使王道卿一作肅臣可西京左藏庫副使制

朕觀春秋之際公侯卿大夫之譜至數十世而不絕不徒世其祿爾惟克劭者乃不隕焉近至平唐將相之後能以勳各自繼其家者亦衆乘筆者記之號稱衣冠盛事噫古之大族多良子孫而今獨鮮耶抑惟人之勉不勉爾惟汝大臣之子世爲各家豈不勵焉無俾自墜有司積日茲乃敘進不次之實能者得之汝其勉哉無忽而怠可

前彰信軍節度判官褚式可太子中舍致仕制

勅具官褚式昨按察者言爾事一無此字有迹而爾方以老自一無此字請吾屈言者不究而進爾以秩全爾之歸吾之欲成人之美而不欲成人之惡如此汝其休矣知我之仁可

判部員外郎崔蟬男庶可試秘書省校書郎一作試監簿制

勅崔蟬男庶古稱不學者之於事譬夫立而面牆與其敗政于官孰若勸教之明而養之有素也屬者政勅有司增定蔭補之格必由試

藝乃得涖官夫不惟爲國造士是乃爲臣立家此予一作其詔也汝其勉之可

梓潼縣主簿宋文質可國子監丞致仕制

勅具官宋文質壯也服勞晚而登仕老能知止意亦可嘉吾有躋民仁壽之心爾其歸安田里之養可

駕部員外郎席夷甫可本官致仕制

勅具官席夷甫古者七十而得謝所以優其臣也不任以事而養之于家所以愛老也朕患廉恥之缺而尤嘉止足之人隆長老之恩而欲興孝弟之俗今爾之請朕所褒焉已詔有司錄爾之子克安眉壽往服寵章

南劍州司理參軍李孝友貴授吉州參軍制

勅具官李孝友不孝之罪國有常刑民愚無知犯者猶鮮况爾被儒服者誦習六經而背本忘親悖理傷化雖屢經赦宥法欲貸汝而汝

之自視夫亦何顏宜屏遠方絕而不齒

江南 路提刑內殿承制柴貽慶可就轉禮賓副使制

勅具官柴貽慶傳曰夫刑者一成而不變又曰法者天下之至平庶獄之間其可不慎故於國制尤重邦刑擇彼監司必參文武所以藉其材敏而佐夫不逮者也惟爾克守其職能濟以勤有司質成法應敘進故增榮秩無替前勞可

右侍禁樂天錫可率府率致仕制

勅具官樂天錫服勞茲久因疾得衰雖未及於引年嘉自能於知止俾進春宮之率以爲歸老之榮可

大理寺丞袁穆許恢授殿中丞著作佐郎程適授祕書丞制

並磨勘改官

勅具官程適等國家治民之要其具素備惟奉法守職而免於有過者考其積日皆得敘遷苟有能稱豈無懋賞爾等寄予民政咸上歲

成俾登于朝蓋用常典若夫異績在爾勉焉可

皇姪仲伉贈官制

勅具官仲伉朕上憑宗社之靈克荷先帝之業思治天下以孝而親九族以仁今宗正言爾信安郡王之長孫也不幸早世而追榮之典尙未有稱朕聞于聽一作聞于朕聽意甚悼焉可

秦州推官董彝可太子中舍致仕制

勅具官董彝朕嚮遣韓琦行視邊鄙所以宣上恩而下逮撫下情而上通也今琦言爾有勤未錄久疾自淹夫人之有勞吾豈不念事或一作有在遠患於不聞既披奏章宜示寵典可

劍州司理參軍董壽可大理寺丞制

勅具官董壽夫法者所以禁民爲非而使其遷善遠罪也然世之專於法者不患於不通而患於刻薄豈夫一無此字學者之弊歟今爾以學法入官而有能二字一作復被薦以一作施之臨事可不戒哉